

সাড়ে ৭ লাখ পরীক্ষার্থী : বিদ্যুৎ বিভাগ : মণি-মাছির উপদ্রবের মধ্যে

আজ থেকে সারাদেশে এসএসসি ও দাখিল পরীক্ষা শুরু

সঠিকভাবে ভরতি করতে এবং হল পরিদর্শক ও কেন্দ্র কর্মকর্তাদের উত্তরপত্র স্বাক্ষরের আগে পরীক্ষার্থীরা গোল চিহ্নটি যথাযথভাবে ভরতি করেছে কিনা তা সতর্কতার সাথে পর্যবেক্ষণের নির্দেশ দিয়েছেন। এদিকে, আজ এসএসসি পরীক্ষা শুরু হলেও গতকাল পর্যন্ত দেশের বিভিন্ন স্থানে পরীক্ষার্থীরা তাদের প্রবেশপত্র পায়নি বলে খবর পাওয়া গেছে। বিভিন্ন স্থানে ভুলে ভরা প্রবেশপত্র সরবরাহ করা হয়েছে। এ নিয়ে পরীক্ষার্থীদের মধ্যে তীব্র উৎকর্ষের সৃষ্টি হয়েছে। কোন কোন ক্ষেত্রে পরীক্ষার ফরম পূরণ না করলেও ছাত্রদের নামে প্রবেশপত্র পৌঁছার খবর এসেছে। অনেক পরীক্ষার্থীর পরীক্ষার বিষয় নিয়ে অসংগতি দেখা দিয়েছে। অসহনীয় পরিবেশে পরীক্ষা শুরুর ঠিক আগে এসব সমস্যা নিয়ে পরীক্ষার্থী ও তাদের অভিভাবকরা ভীষণ বিপাকে পড়েছেন। এদিকে বোর্ড সূত্রে জানা গেছে, কোন পরীক্ষার্থীর তথ্যগত ভুল বা কোন প্রকার অসংগতি থাকলেও তাকে পরীক্ষায়

১১-এর পৃঃ ১-এর কঃ দেখুন

স্টাফ রিপোর্টার : সারাদেশে বিদ্যুতের তীব্র শোডাশেডিং, সীমাহীন বিদ্যুৎ বিভাগ আর মণি-মাছির প্রচণ্ড উপদ্রবে সৃষ্ট এক অস্বস্তিকর পরিবেশে আজ থেকে দেশের ৫টি শিক্ষা বোর্ডের অধীনে এসএসসি ও মাদ্রাসা শিক্ষা বোর্ডের অধীনে দাখিল পরীক্ষা শুরু হচ্ছে। এই প্রথম ৫টি শিক্ষা বোর্ডের অধীনে সারাদেশের ৭শ' ৮২টি কেন্দ্রে প্রায় সাড়ে ৭ লাখ পরীক্ষার্থী বিভিন্ন প্রমুখতার মাধ্যমে এসএসসি পরীক্ষায় অংশ নিচ্ছে। গত বছর প্রথম আন্তর্জাতিক প্রমুখতার মাধ্যমে এইচএসসি পরীক্ষা অনুষ্ঠিত হবার পর এবার আন্তর্জাতিক প্রমুখতার ভিত্তিতে প্রথম পরীক্ষা দিচ্ছে এসএসসি পরীক্ষার্থীরা। গত বছরের মতো এবার এসএসসি পরীক্ষায় সেট কোড নিয়ে যাতে জটিলতার সৃষ্টি না হয় সেজন্য শিক্ষা বোর্ডগুলোর কর্তৃপক্ষ, হল পরিদর্শক, পরীক্ষা কেন্দ্র কর্মকর্তা ও পরীক্ষার্থীদের সতর্ক থাকতে বলেছেন। গত বছরের সেট কোড ভুলের সাথে সংশ্লিষ্ট শিক্ষকদেরকে এবার পরীক্ষার হলে পরিদর্শকের দায়িত্ব থেকে বাদ দেয়া হয়েছে। কর্তৃপক্ষের সেট কোডের ভুল এড়াতে পরীক্ষার্থীদেরকে এসআই ফরম-এর গোল চিহ্ন

আজ থেকে সারা দেশে এসএসসি ও দাখিল পরীক্ষা শুরু

প্রথম পৃষ্ঠার পর

অংশগ্রহণের সুযোগ দিতে এবং ১৫ মার্চের মধ্যে সকল অসংগতি ও ভুলের কেন্দ্রভিত্তিক তালিকা স্ব স্ব বোর্ডে পাঠানোর নির্দেশ রয়েছে। পরীক্ষা অনুষ্ঠানের সকল প্রস্তুতি ইতোমধ্যেই সম্পন্ন হয়েছে। সারাদেশের পরীক্ষা কেন্দ্রসমূহের ২শ' গজের মধ্যে পরীক্ষা চলাকালে একত্রে ৪ ব্যক্তির চলাফেরা আলাপ আলোচনা ও জমায়েত নিষিদ্ধ ঘোষণা করা হয়েছে।

এ বছর পাঁচটি বোর্ডের মোট পরীক্ষার্থীর সংখ্যা ৭ লাখ ৪১ হাজার ৮৬২ জন। তন্মধ্যে মোট ছাত্র ৪ লাখ ৩০ হাজার ২৪৭ এবং ছাত্রী ৩ লাখ ১১ হাজার ৬৪১ জন। আজ থেকে পাঁচ বোর্ডের মোট ৭৮২টি কেন্দ্রে এসএসসি পরীক্ষা অনুষ্ঠিত হবে। মোট কেন্দ্রের মধ্যে দেশের বাইরে ৬টি কেন্দ্র হচ্ছে জেন্দা, ত্রিপুরা, আবুধাবী, কাতার (দোহা) ও রিয়াদ।

ঢাকা বোর্ডের অধীনে মোট কেন্দ্র ২০১টি (বিদেশের ৫টি কেন্দ্রসহ)। মোট পরীক্ষার্থী ২ লাখ ২০ হাজার ৫৯৯ জন। তন্মধ্যে ছাত্র ১ লাখ ২৪ হাজার ৭৮৭ জন এবং ছাত্রী ৯৬ হাজার ২৭৫ জন।

যশোর বোর্ডের মোট কেন্দ্র ১৫৫টি। মোট পরীক্ষার্থী ১ লাখ ৩৬ হাজার ৮১৯ জন। তন্মধ্যে ছাত্র ৮০ হাজার ৯৩৩ এবং ছাত্রী ৫৫ হাজার ৮৮৫ জন।

রাজশাহী বোর্ডের মোট কেন্দ্র ১৯৭টি। মোট পরীক্ষার্থী ১ লাখ ৯৮ হাজার ৩৫৮ জন। তন্মধ্যে ছাত্র ১ লাখ ২১ হাজার ৩৩০ এবং ছাত্রী ৭৭ হাজার ২৮ জন। কুমিল্লা বোর্ডের মোট কেন্দ্র ১৫৪টি। মোট পরীক্ষার্থী ১ লাখ ২২ হাজার ৬৭৩ জন। তন্মধ্যে ছাত্র ৬৮ হাজার ২০২ এবং ছাত্রী ৫৪ হাজার ৪৭১ জন।

চট্টগ্রাম বোর্ডের মোট কেন্দ্র ৭৫টি। মোট পরীক্ষার্থী ৬৩ হাজার ৯৫৩ জন। মোট ছাত্র ৩৪ হাজার ৯৫৫ এবং মোট ছাত্রী ২৮ হাজার ৯৫৮। কুমিল্লা সংবাদদাতা জানান, কুমিল্লা শিক্ষা বোর্ডের এ বছরের পরীক্ষার্থীর সংখ্যা ১ লক্ষ ২২ হাজার ৬শ' ৭৩ জন। তন্মধ্যে ছাত্র ৬৮ হাজার ২শ' ২ এবং ছাত্রী ৫৪ হাজার ৪শ' ৭১। বিজ্ঞান বিভাগে ৫৬ হাজার এবং সমাজ বিজ্ঞান বিভাগে ৬৬ হাজার ৬শ' ৭৩ জন। ১৫৫টি কেন্দ্রের মাধ্যমে সুষ্ঠুভাবে পরীক্ষা অনুষ্ঠানের জন্য প্রয়োজনীয় ব্যবস্থা গ্রহণ করেছেন। এদিকে নগরে ৫টি দাখিল পরীক্ষা কেন্দ্রে শান্তিপূর্ণ পরিবেশ বজায় রাখতে প্রশাসন ব্যবস্থা গ্রহণ করেছেন। আজ বৃহস্পতিবার থেকে আগামী ২০ মার্চ পর্যন্ত এ পরীক্ষা চলাকালীন দিনগুলোতে বিশেষ ব্যবস্থা বলবত থাকবে। নগরীর আশপাশে নকলের দুর্গ হিসাবে পরিচিত বেশকিছু কেন্দ্রে বহিরাগতদের উৎপাত বন্ধে প্রয়োজনীয় ব্যবস্থা নেয়া হয়েছে বলে জানা গেছে। উল্লেখ্য, রাজনৈতিক প্রভাব ঝটিয়ে বেশ কয়েকটি পরীক্ষা কেন্দ্রে কিছু লোক প্রতিবছর অবৈধ অনুপ্রবেশের প্রচেষ্টা চালায়।

করেছেন।

রাজশাহী অফিস জানায়, আসন্ন এসএসসি পরীক্ষায় এবার রাজশাহী বোর্ডে ১ লাখ ৯৮ হাজার ৫৯ জন পরীক্ষার্থী অংশ নিচ্ছে। এর মধ্যে ছাত্রের সংখ্যা ১ লাখ ২১ হাজার ৭৮ জন ও ছাত্রীর সংখ্যা ৭৬ হাজার ৯৬৮ জন। বিজ্ঞান বিভাগে ৬০ হাজার ১৯২ জন এবং সমাজ বিজ্ঞান বিভাগে ১ লাখ ৩৭ হাজার ৮০৫ জন। রাজশাহী বোর্ডের অধীনে ১৯৭টি কেন্দ্রে পরীক্ষা অনুষ্ঠিত হবে।

চট্টগ্রাম অফিস জানায়, চট্টগ্রাম শিক্ষা বোর্ডে এবার মোট পরীক্ষার্থীর সংখ্যা ৬৩ হাজার ৯৫৫ জন। চট্টগ্রাম, কক্সবাজার, রাঙামাটি, খাগড়াছড়ি ও বান্দরবান জেলার মোট ৭৫টি কেন্দ্রে পরীক্ষা অনুষ্ঠিত হবে। এদের মধ্যে চট্টগ্রাম মহানগরী এলাকায় পরীক্ষা কেন্দ্রের সংখ্যা ২৯টি। সংশ্লিষ্ট জেলা প্রশাসন শান্তিপূর্ণভাবে পরীক্ষা অনুষ্ঠানের জন্য প্রয়োজনীয় ব্যবস্থা গ্রহণ করেছেন। এদিকে নগরে ৫টি দাখিল পরীক্ষা কেন্দ্রে শান্তিপূর্ণ পরিবেশ বজায় রাখতে প্রশাসন ব্যবস্থা গ্রহণ করেছেন।

আজ বৃহস্পতিবার থেকে আগামী ২০ মার্চ পর্যন্ত এ পরীক্ষা চলাকালীন দিনগুলোতে বিশেষ ব্যবস্থা বলবত থাকবে। নগরীর আশপাশে নকলের দুর্গ হিসাবে পরিচিত বেশকিছু কেন্দ্রে বহিরাগতদের উৎপাত বন্ধে প্রয়োজনীয় ব্যবস্থা নেয়া হয়েছে বলে জানা গেছে। উল্লেখ্য, রাজনৈতিক প্রভাব ঝটিয়ে বেশ কয়েকটি পরীক্ষা কেন্দ্রে কিছু লোক প্রতিবছর অবৈধ অনুপ্রবেশের প্রচেষ্টা চালায়।

গাইবান্ধা থেকে জেলা সংবাদদাতা জানান, জেলার ৭ থানার ১২টি পরীক্ষা কেন্দ্রে ১শ' এসএসসি পরীক্ষার্থী প্রবেশপত্র না পাওয়ায় ছাত্র-অভিভাবকরা দিশেহারা হয়ে পড়েছে। অপর দিকে বিভিন্ন স্থান থেকে পরীক্ষার জন্য ফরম পূরণ করা না হলে শতাধিক ছাত্রছাত্রীর নামে প্রবেশপত্র এসেছে। বিদ্যালয়গুলো হচ্ছে- ফুলদড়ি থানার পাইলট স্কুল, সদর থানার রঘুনাথপুর, রহমতপুর বিদ্যালয় এবং সাদুল্যাপুর থানার ইদ্রাকপুর হাই স্কুল।

এদিকে সাদুল্যাপুর থানা সদর কেন্দ্রের এসএসসি পরীক্ষা খাতা এবং উপকরণ এ রিপোর্ট লেখা পর্যন্ত পৌঁছেনি। ফলে কেন্দ্র কর্তৃপক্ষ পরীক্ষার বিষয়টি নিয়ে বিপাকে পড়েছে।